

宋程允山先生集

北山小集卷第九

律詩

和虞長洲遊虎丘

信安程俱

川環環
福地壽
秘珍藏

尋壑復經丘人看李郭舟藤花多背日桐葉最知秋
虎去藜藿盡龍歸蛙黽愁振衣臨石壁未羨習池遊

移竹 庚辰

寓目無清致興懷要此君影移千畝月枝散五湖雲
鳳實和筠得龍苞帶摺分傷根同栢大剪葉異芝焚
拔篠衣霑粉連鞭蘚破紋虛心寧擇地直節任離群

程俱

信安程俱

但欲通三徑何須比萬軍凜然真玉立蔓草即堪耘
和友人陳博道師仲司錄遣興之作

急景去不返官遊心易闌死生交道絕冷暖世情看
適俗須多可隨緣亦大難一年還欲盡三界直無安

沙塞松江和韻

三江既入今安有萬化無端去莫留解虫蚌失波枯斥
岸蛟龍移窟見沙洲水窮范蠡扁舟返海變麻姑兩
鬢秋通塞正應天數在荷蓑持鉢直堪愁

曉起回文

霜林一望極空寒曉鼓催人覺夢殘黃霧帶晴江渺

渺勁風翻影露溥溥香飄引篆新添火髮密勝簪慢
整冠藏拙懶便惟少事興來閑借遠山看

餘杭法憲院荆文公書堂文公康定中讀

書於此辛巳

鍾山太傅起從龍鼓動風雷指顧中未見圖形求傳

野豈知徒步客新豐青鞵曾訪滄芝老

白首唯餘擣藥童

寺僧言文公多養疾此堂當時給侍童子今八十餘歲矣

藏壁故應留

斷簡至今山鬼慟悲風

送蔣主簿入都赴試一首 壬午

東南貢吏紫髯郎一馬駸駸客路長袖裏山林洗塵

霧腹中文字了，縑箱流年過。我長如許樂事，知君詎
未央。行恐飢來驅我去也。遮西日上河梁。蔣有名畫
小軸常置

懷袖名
壺中圖

罷吏客郡城已數月，滯留忽已歲暮。浩
然興歎作一首。

一行作吏向吳城，五見娵隅上薄冰。魏覲三章堪自
約，汾源百尺敢言登。擲楸送人為郡噎，媚墨音初非
我負丞。鞅掌棲遲俱害性，不知鬚鬢欲侵凌。

寒夜遣懷一首

強醉重雲欲散，躡三更飛霰。忽驚簾大呼，何與癡人

事此意多應俗士嫌，出戶仰看天漫漫。持盃愁作夜
厭厭，消除心事都無處。下盡中軍三百籤。

高郵旅泊書懷寄淮東提舉蔡成甫觀兼

呈鄭使君弇三首 癸未

久客頗自厭，長歌胡不歸。東書方有適，捧檄定焉依。
塵裏音容改，山中信息稀。十年長漫浪，深覺負荷衣。
命矣周南滯，時哉冀北空。居無刮目視，動有轉喉窮。
泛宅如蠻蜚，淫書伴蠹蟲。飄蓬故人念，賴有繡衣公。
長夏熱欲死，迎秋氣已清。蚊蠅任來往，螟螣尚縱橫。
行止馱人問，棲遲真自驚。使君高義在，解榻見深情。

喜雨呈鄭高郵

赤地無遺藁懸知一歲空乖龍忽解事死虎亦爭功

時高郵用歇勝法投虎骨龍潭中至是雨土燥財需塊人安未轉蓬翻思瀉東

海何計請天公田畝膏腴闊河流脉絡通邦人依豈

弟指日望登豐

人日書懷兼寄吳中三二友 甲申

東西南北走紅塵又見江淮草木薰小謝篇章成畫

餅卧龍功略付浮雲 孔明為孫權畫赤壁之策及謝惠連為司徒府法曹時與予今年齒正同棲遲

枳棘今如許嘯傲冰霜賴此君 太湖多竹所居有脩篁千箇俛仰折胷

成底事故交千里漫離群

許主簿見和過有推借再作奉呈

身謀自昔須三窟世味端能敗一薰醉裏閑愁濃似

酒春來歸思亂於雲松栽咫尺傳盧老棗實方將訪

許君 見許遠遊與王逸少書却喜雲孫共來往扁舟時入白鷗群

用前韻作招許主簿

風騷無復見黃初尚想應劉載後車病骨不知緣底

瘦愁眉時得為君舒動人春色來隨鷺入眼溪流靜

見魚祗有此中多好句可來茅閣試憑虛

謹追和諸父留題雲門聲閣梨經閣詩一首

傑閣護真文金僊妙大雲風林終日說露柱一時聞

谷暖春先到山高日易曛經行復宴坐華雨任繽紛

適軒庚寅歲郭紳求見邀同作

厭苦常從樂未央不如要足兩俱忘當飢糲食遺三鼎便一體綈袍勝五章夜雪扁舟千嶂淨午風高枕一窗涼飄然自適非人適肯受轅駒六尺韉

謝江仲舉惠酒乙酉

山城無物可忘憂但有平原病督郵知我囊中無白水煩君若下出青州芳甘未謝三年醞傲兀能消萬古愁會待東郊春意動鳴鞭乘興草堂游

次韻張祠部見示丙申

大滌先生不諱貧鬢髯雖白臉長春三江魚美東曹後二柳泉甘慧曉鄰南史張融與陸慧曉並宅云云懷組歸來無長物挂冠誰復並清塵自怜出處俱違性旋結衡茅寄此身

章僕射山林

王子池臺迹已荒年來華犯御名壓高岡長林不礙千

山月老榦猶含九夏霜便覺平泉冠東洛還依淶水記南塘蝸廬却喜通幽徑岸幘時來一嘯長此地本錢王諸子園亭

次韻張祠部敏叔游滄浪蘇子美故園

醉倒春風載酒人蒼髯猶想見長身試尋遺址名空在却嘆張羅事已陳稍置曲欄穿徑竹別開高閣俯

汀蘋擊舟更欲陪清賞要看毫端藻繪春

次韻鄭大夫半隱亭

脫屣歸來稅兩轡信知塵世有蕭閑幽亭似近郎君
谷捷徑知非少室山歲月優游真得計風埃顛顛獨
何顏園林日涉仍多趣坐看雲飛鳥倦還

哦詩夜坐餅壘久空無以自勞寄吳興趙

司錄江兵曹

詩成不直一杯水年大常懷千歲憂何須中令能強
記正要將軍為破愁故人久負丘壑志公子欲尋梁
宋游相逢儻有蒲萄渌肯向西涼博一州

九日寫懷

節物驚心兩鬢華東籬空繞未開花百年將半仕三
已五畝就荒天一涯豈有白衣來剝啄亦從烏帽自
歌斜真成獨坐空搔首門柳蕭蕭噪暮鷗高適九日詩縱
使登高抵斷腸不
如獨坐空搔首

次韻葉翰林見寄 乙未

雅望清班亦醉翁暫令槐閣曳鈴空更評它日歸賢
守畫諾何人稱治中蔡州今為汝南郡故得用汝南故事便合追鋒來就日

已知投刃有成風貽詩千里兼金意俎豆常憐斷尾雄
相望千古一涪翁還向江湖四壁空病木自甘桃

李後野麋難着鳳麟中未成下澤還鄉里且寄窮閭
蔽雨風舉世知音常契闊悲歌沉抑爲誰雄

傳國華從使遼東已事還朝拙詩送別首

夫君曾次有天游笑指滄溟寄一漚正使叩舷歌小
海不妨安席詠洪流翩翩聊試千金學刺刺應慙萬
里侯歸袖飄然望華闕獨留珠玉照遐幽

向來南北歎流年十載相逢走道邊作佛頓慙靈運
後着鞭猶恐祖生先彈冠豈欲夸三組負耒還思受
一廛默計此身端未了別懷撩亂故依然

國華造道益深而俱蹇淺

滋甚故有大游作佛之句

窮居苦雨

慢膚便腹轉踈慵睡足茅簷目過鴻墨客縱令三尺
喙木奴何似十年功門前羅雀非吾病竈底生蛙不
世窮舊雨未乾新雨漲可憐愁絕力田翁

謝張敏叔餉陸子泉

接輿叩木狂歌處猶有清泉出翠微不學癡人供水
遞肯分餘潤及柴扉七甌已辦煎茶厄三咽能忘啜
菽飢身寄吳門聲利窟更思冰洞濯塵衣

張敏叔得請謝事欽仰高躅謹成口號

富貴紛紛有底難乘時如探橐中丸高人不啻曇華

見晚節誰為趙壁完且喜芝蘭俱秀發不嫌松桂愈
清寒它年仄席思耆舊矍鑠猶能一據鞍

晚雨菊

次韻和
張敏叔

異質寧當雜衆芳故留寒穎度微霜三爰何必分靈
樹九畹那能擅國香不惜繁英供夕餌肯持佳色媚
朝陽徑須移奉華堂燕路草多應愧义妨

葉內相赴淮西

向來英妙壓鰲頭去國三年白鬢秋蕭傳豈煩更吏
治賈生元自贊皇猷高文已得江山助遠業寧爲管
晏留聞說云亭已除地正須掾筆紀鴻休

江仲嘉仕吳興雅重道場山長老惠顏仲
嘉之樞以八月十五日至山下顏以是日

告寂

道人非復世間情居士空留身後名共擬凌雲成一
笑不妨乘月話三生桐鄉定有蟬衣在葱嶺遙知虎
錫鳴耿耿幽懷無處寫眼中泉石記經行

觀王君玉侍郎集有酒明詩次韻

簿領青州掾風姿翹秀才長煩拍浮手持贈合歡盃
屢舞回風急傳籌白羽催深慙偃師氏端爲破愁來
九日陪章湖州致平援登道場山汎舟溪上

九日登臨得翠微拂天松竹引丹梯神游八表層霄
近日盡千山落日低人散飛雲留畫棟舟回初月照
清溪故知王謝風流在吹帽何人醉似泥謝傳王大令嘗為吳興守

次韻趙叔問對雪共酌有懷江仲嘉之作

恍然身寄一山川玉宇銀墻愴我前便欲乘風向寥

廓恨無新句落雲煙延枚座右頻虛席訪戴人遐歎

獨賢

余至湖江仲嘉適彼檄之會稽二公皆幕客故以鄒枚為况

遙想支頤對秦望朝來清

思浩無邊

癸巳歲除夜誦孟浩然歸終南舊隱詩有

感戲効沈休文八詠躰作

北闕休上書

說將且不暇千時真自踈深慙叔孫子未辨茂陵書
正自飢欲死敢言忠有餘平生剛畝志本不羨嚴徐

南山歸漱廬

故廬今茂草新

犯御名

羨茅茨久負泉石約空令猿鶴悲

一塵端可共三徑復誰期會結忘年友耕雲茹紫芝

不才明主弃

沃壤有多稼良工無廢材固知時不弃正坐老無媒
病驥終難駕寒花不易開古來天下士取次沒蒿萊

多病故人踈

鴈足慵難寄鷄栖出厭頻路長時有夢人遠遽如新
膠漆唯窮士雲泥隔要津囂囂亦何病懶放任天真
白髮催年老

轉眼過三紀搔頭見二毛先秋同柳弱早白誤山高
種種從渠落青青竟莫逃形骸姑置此痛飲讀離騷
青陽逼歲除

顛顛身仍健崢嶸歲又窮天寒春未應臘盡雪初融
萬化豈有極一生常轉蓬誰知元不動日月自西東
永懷愁不寐

臍膊南枝鵲鏗宏半夜鍾遼遼數寒漏唧唧類吟蛩

馬革思強仕牛衣慕老農此身何處是展轉聽朝春

松月夜窻虛

透隙風號屋翻簷雪灑窻遙知迷九澤似欲卷三江
引睡繡書秩澆愁泥去酒缸無因踏松月癡坐對清缸

避寇村舍 戊申

再脫兵戈裏全家走路塵百年同是客萬事不如人
幻境終歸盡生涯正要貧故人知在否魂斷楚江濱

寇至之日江子支趙叔問
適泊舟江口未知今在亡

哭王元規

華顛傾蓋便忘年信有烏衣不乏賢膝上中郎名譽

早湖南司馬歲時迂去天尺五非無地擊水三千竟
莫前唇腐五車真底用人琴冥漠付重泉

和荅何蒙聖刪定

胷中林壑寄商顏門外紅塵了不關年去人猶昔人
耳身游才與不才間與君同覺夢中夢顧我長嗟山
復山何日方舟歸里社韋編應許試窺班

蒙正深於易學

江仲嘉書稱去常山靈真洞半里許得林

壑殊勝予記昔過謝原道中亂峯峭壁間

竹樹蒼鬱今仲嘉所稱得非此耶因寄百

二十字

聞說靈真路旁開小洞天蒼巒悶清境陸地接飛仙
壁立驚猿挂松枯老蔓纏攢空永亭石漱壑定林泉
煙磴盤三徑玄牕屬五便武陵迷漢魏妙喜斷山川
勝絕端如此經營欲老焉烹魚幾折屐命駕擬加鞭
易禿三千丈寧辭四萬錢把茅應早計拱木歎流年
鴻鵠須塵外鷓鴣自日邊人生各有在雅志共超然

鄒侍郎挽詞二首

辛卯

蠻貊人無間鄉閭行益尊芝蘭有餘化桃李竟無言
遠日來千兩它年歎九原死生如可作安用百身存
夷跖雖殊趣彭殤共一歸投荒萬里再乘化百年非

細行皆無憾常言亦造微祇應存信史千古有沾衣
與蔣子有道丁丑相從吳下之適感而賦
詩甲午
三徑旁臨招隱谿子真池館叩林扉拏舟夜雪多乘
興步屨春風每醉歸居舍相望一牛吼官塗常作二
鳧飛試尋邀月持杯地共覺勞生四十非

累書會和陳正字磷觀御製衣書二首

龍檢金壺記子年寥陽宮殿玉虛前三元初識皇文
祕八法爭看御墨鮮叢簡舊藏丹藥篋群仙疑近白
蛙泉隆樓縹緲侵雲漢神物攜呵衛九天

七聖雲章秘紫清眷謨神藻發長生六文妙畫超龍
瑞千里真修叙廣成但覺煥文驚俗眼何勞掘筆避
書名法宮涵演方無盡玉海濡毫卷四瀛

帝鴻氏有
硯名玉海

送傅舍人國華使高麗二首

長嘯溟波又一游眼中壺嶠接滄洲紫微垣近三台
象銀漢槎回八月秋七制還須補天筆二帆聊展濟
川舟從容歸奏承清問膏澤東南四十州
翩翩淥水泛紅蓮一紀重來擁使旌雲外兩星明漢
節海東千里戴堯天舊聞箕子多遺俗會使匈奴失
左肩五十年來蒙惠渥故應微風莫深鑄

送朱職方希亮出使利州路二首

許下多名士朱公盛德人懷文深自匿謀道不求伸
雅望臺中妙宣恩劔外春聊憑巴漢水一洗九街塵
星使出文昌仍分古華陽過家真畫繡擁節異懷章
泛應超餘刃深心即道場前旒須獻納早晚侍明光

和江仲嘉見寄

壬辰
二首

華門蓬舍不知春車似雞栖甑有塵千里傳情望雙
鯉一杯和影祇三人交親離合同巢燕身世羈危獨
繭綸四體不勤心擾擾擬將玄旨問吳筠
江修練故
有此句
寒谷應殊尺五天鹽車無復望騰騫至人未免填溝

壑大隱不如居市廛長笑呼鷹思上蔡獨令留石在
平泉茅茨欲作終焉計未有滄浪四萬錢

何蒙聖挽詞二首


倦遊初返北山農一面忘年得此翁易學知公無復
過詩窮如我敢言工安知接迹金蘭直便作回頭夢
幻空本自無生今豈滅不應吾道有西東
乙酉歲歸里
中始獲交蒙

聖蒙聖時
年五十

五籍紛紛并大春一言超詣阮參軍王門設醴重經
席藏室讎書老蠹芸問字毫釐分鳥迹論文領略到
皇墳他年宿草傷心地千里衢山隔暮雲
蒙聖深於易
道於荆文公

字說發明指
趣未見其比

北山小集卷第九



北山小集卷第十

韻律詩

酬穎昌葉內翰見招丁酉



觸熱西游汴濁波京華旅食謝經過年侵鏡裏今如
此歌缺壺邊可奈何賓閣遙知懸玉塵直廬應許到
金坡唐孟浩然故事須公一節趨環召猶及昆明百步荷

旅舍寫懷

半世江湖寄此身冰墟何意及陽春離騷痛飲非名
士款段還鄉亦善人病木作花真強活長魚沈陸恐
摧鱗清時英俊如麻葦敢歎長年甌有塵

酬葉翰林喜某除官東觀 庚子

冰谷難通杜曲天，淺聞那識絳人年。
揮斤始免從輪扁，操牘寧堪佐史遷。
正恐商樊譏浪仕，可令齊魯歎無傳。
笭箵挂壁空回首，林有孫枝竹長鞭。

列宿羅霄妙補天，巨鼇峯頂号耆年。
致君舊擬唐虞上去國，徒驚歲月遷。
夢筆絲綸建瓴下，憇棠膏澤置郵傳。
平生傾倒燕臺意，可使英豪慕執鞭。

送葉善卷致仕歸吳 衛尉丞 庚子 葉勸

衛尉新除蓋次公，便拋簪紱向江東。
秋臚正與蓴絲美，夜鶴休驚蕙帳空。
滿腹詩書元未試，會心林壑與

誰同自憐華髮無歸處，慚愧冥冥物外鴻。

和同舍雪晴即事

雪消晴沼漲微波，一局文楸比爛柯。
塵外清霄三島近，日邊春色五雲多。
不妨窈窕耽書癖，時遣槍旗戰睡魔。
洵湧詩情何所似，九軍雷動伐靈鼉。

和同舍上元迎駕起居 辛丑

瓊御名浮空錦作山，五門遙北望金鑾。
燭龍飛度崑丘曉，玉斧修成寶鑑寒。
便覺冰荷回暖律，恍疑雲翼傳靈丸。
都人喜色瞻鸞蓋，更擬交光雪未殘。

和同舍夏日四詩 辛丑

寒暑不到處，翛然天地中。夏冰聊善幻，性水自真空。
松壑凝寒露，荷燈障遠風。我我欲千仞，扇暍意無窮。
清冰

曉來風破睡，天外失參橫。雨作刻漏下，人思江海傾。
林塘回秀色，墨市亦驩聲。漏屋吾無憾，聊蘇秉耒氓。
暑雨

夜氣接平旦，微涼生太虛。庭槐秋影動，簷月曉光餘。
執執寧無閒，探湯固有初。斯須銜燭轉，汗漬羽陵書。
晨夜

赤日不可度，紅塵能許深。糞除知有意，垢淨亦唯心。

葉落石門曉，花殘桃徑吟。安知煩溽地，擁篲却流金。
掃地

車駕幸祕書省口号

壬寅
二首

端門清蹕隱脩廊，麟省新開接建章。六玉虬飛黃道
穩，五芝華聳赭袍光。風生凡腋天顏近，春入仙洲晝
漏長。拭目訓詞成飽德，共瞻雲日仰陶唐。

清塵膏雨浹人寰，金殿晴開瑞霧閒。帝座騰暉臨璧
府，鸞輪結景按蓬山。龍鸞初識昭回迹，麋鹿驚隨侍
從班。再拜逡巡戴君賜，却迎天仗款賢關。

和田龍圖升之登秋宴口号

二首

赭黃高拱玉霄間金殿祥麟九色班湛露恩濃開鎬
宴大風歌奏仰龍顏自驚垂老拋農畝浪逐群仙款
帝關銀甕白環方紀瑞汗青脩竹盡南山

矍鑠仍堪將帥閒壯猷聊與虎臣班來詩云坐於諸軍團練使之後公車

獻賦城南杜郎省興嗟比地顏合殿千官瞻黼宸中

天雙闕敞瓊關彤庭拜舞嵩三呼延閣千雲真道山

林德祖有詩寄光祿蔣卿夢錫璫及送朱博

士駿發終篇皆見及次韻寄懷

閉門那復賦三都傳世何妨強著書東海遺榮行路

歎南山歸隱故人踈尚平婚嫁無餘累摩詰身心即

淨居六十挂冠雖早計絕勝銜索泣枯魚閒德祖兒近已娶婦故有

尚平之句

金華玉府九天開夜誦何人薦逸才大學諸生終莫

挽長沙賢傳幾時來別離傳恨空魚素歲月如飛逐

管灰亦欲相追老湖海稽山肯放酒缸回德祖既休致不復作都城

書余獨時致書問訊故有空魚素之句

和江子我端友戊申

雨脚初收曉霧開青鞵布鞮好追陪幽人無事長相

見佳句有時還自來白業誰能超石壁朱顏亦任發

春醅憂來忽憶燕南信安得閩鄉老萬回

齒落

年運過半百齒搖先右車朝來忽自墮笑罷却成嗟
鶴髮情知尔牛呵老更加舌柔真足恃寂默寄生涯

種蓮

不向東林杜聊分玉井蓮淤泥超黑業定葉異青錢
八法那能染三車固可捐從容共魚樂吾意已忘筌
別後有懷子我追用巾字韻作寄

漉酒空裁五柳巾一觴相屬念情親玉川奴婢今猶
昔錦里田園老更貧冰洞清泉誰共酌風篁幽徑好
尋春開年晴暖須歸去還向江湖覓故人

子我東去云欲居無錫或過錢塘

故有冰洞風篁之句

商浩廢處信安偶覽衢州圖經故居尚有
遺址有感予懷書四十字

中軍時所廢我廢坐衰殘軒冕儻來寄炎涼非意干
空函嗟外重小品亦徒看異代均流落還來客信安

觀梅

江梅開過尚餘香半面殘粧對夕陽野草凡花正無
賴競將紅紫占春光

觀老杜久客一篇其言有感於吾心者因
為八詠

西韜旅知交能

故里翻為客，衰年亦倦遊。犢禪慙北阮，膳饋略東丘。
門巷遊麋鹿，閭閻風馬牛。翟公良可笑，大暑欲何求。

淹留見俗情

扶病來城郭，棲遲又幾年。炎涼驚節變，榮悴與時遷。
掉臂人趨市，駢頭蟻慕羶。回觀衰冷地，古竈不生煙。

衰顏聊自哂

禿髮無重綵，疎髯已半凋。識風搖老炷，火宅豎衰標。
往事那堪記，幽懷不自聊。餘年儻窮健，猶及中興朝。

小吏每相輕

鼠輩何知禮，奴曹只世情。鳴鴉嚇鸞鳳，螻蟻困鯢鯨。

舍者時爭席，將軍莫夜行。豈堪供一笑，正自不須驚。

子美詩又云何當官曹清尔輩堪一笑東坡詩云尔輩何曾堪一笑

去國哀王粲

獻納無明略，衰遲只故鄉。養痾憑藥裹，掃迹寄僧坊。

不作荊州客，空悲漢署郎。王粲少為蔡中郎所禮登樓那暇賦，衰

鬢白蒼蒼

傷時哭賈生

僭逆真若燕，腥羶尚井蛙。蒼生困徵歛，黃屋久咨嗟。
北狩終當返，東巡亦未賒。皇基甚宏遠，四海會為家。

狐狸何足道

宿敞雖毛舉中原尚土墮時聞殲狗鼠未遂戮鯨鯢
冠蓋翔鴛鴦兵戈集虎貌埋輪豈無意攬轡欲誰期

豺虎正縱橫

黠虜頻窺塞潢池或弄兵未傳朱泚首時勞亞夫營
四海幾糜爛群凶會鼎烹皇威清海岱談笑掃攬槍

哭徐節之學士御言

辯口懸河氣吐雲賢豪往往盡知聞論兵似欲無堅
敵攬轡常思去敗群正使流言成玉玷何妨浹骨自
蘭芬他年罷社悲閭里宿草猶應哭故墳節之以社日不起疾故云

又六言

臨汝音容近隔源明生死俄分可但一朝千古真成
聚沫浮雲

叔問錄示樂天篤字韻詩余和以簡叔問

槽滴真珠不用筭塵飛華棟發清謳時危尚想承平
態勝會那從戰鬪求戰鬪求見世說栢南郡挾彈事遺物方將期汗漫苦
心何必志窮愁憑君賸作消憂計痛飲狂歌爛熳遊

興龍節日有感二首

往歲興龍節寰區樂未央姜任垂德化夔契拱巖廊
事逐流年往憂隨愛日長嘉時真易失追想故難忘

往歲坤成節群生鼓舞中至公同造化和氣浹羗戎
佐佑三王治彌縫十亂功戎衣何日定無處問高穹

龍圖閣待制知亳州事傅公挽詞四首

北地休竒績東閩出雋儒文明知世異才德應時須
臺閣咨純正朝廷重楷模九原如可作素業上唐虞
置醴王門重和羹美帝意深方酬稽古力未展濟時心
履道端由戶繩身異直尋如何天不憖注想動宸襟
龍駕初從代羊裘首訪齊但聞還舊物已足慰群黎
綸綍王言大著龜國論稽空留吾黨恨桃李信成蹊
曳杖空成歎騎箕去莫追桑陰曾未改棠茇有餘悲

笳鼓千山路龜螭萬古碑登門慙憊陋何以報深知

黃修中大夫挽詩

少日無雙譽中年嘆數竒音徽叔度比治迹次公爲
羔鴈徒三至牛鷄不兩施空令吳楚地阡陌有餘思
曠度中無類懷才竟莫伸入朝誰不達出宰一何頻
吏隱琳宮冷郎潛素髮新話言猶可想攬涕霑巾

致政程承議挽歌詞

伯禹侍郎
瑤之父

手種庭槐擢幹長誰知種德久弥芳錦標荷橐看榮
養命服恩書被寵章合浦珠還增氣象延平劍合歛
光芒新阡鬱鬱車千兩慶善哀榮動故鄉

太守富樞密見示題趙叔問回光庵詩次韻奉和因叙比蒙屈顧郊居愧謝之意

千騎雙旌閒綠沉草堂無逕辱幽尋應憐范叔窮愁甚更覺文翁德化深泌飲衡門聊寄老高山流水舊知心朝來拭目窺新句入木鏘金比道林

又和呈叔問

潮海當年共陸沉山林投老得追尋清溪宛轉千山靜喬木陰森一徑深法界含容居士室庵基堅固祖師心山王終恐歸廊廟回首清遊歎竹林

用韻述懷

故交離合異升沉枉直寧當問尺尋伏櫪疲驂千里暮當關虓虎九門深炎涼殊能看浮俗衰病交侵失壯心一壑一丘真自足野麋終是樂長林

送莊大夫綽赴鄂州守

白首同經本命年君臨方面我歸田應無衛尉一錢直空羨漆園三十篇

季裕著本草蒙求三卷頗工

麟閣功名應未晚

羊腸岐路莫爭先西歸不待三年最肯訪柴門澗水邊

偶成四十字上呈彥章內翰叔問侍郎

頭童心亦盡老矣不中書賴有金閨彥時來冰氏墟但令尊有酒安問出無車更得身強健登臨縱所如

彥文見和謹用韻作二首

禪翁憐病士時枉數行書野寺尋荒逕煙林接遠墟

擬回逋客駕仍挽故人車會赴山林約無勞問又與齋約同訪彥如如亦居行當如約

知公探理窟玉檢祕瓊書宴坐超三界靈光洞九墟

折胷憐五斗舐痔笑多車定起時遊戲新詩錦不如

再作述懷

不作頭錢直徒看萬卷書秋螢羞赫日潢潦異歸墟

絕意高門地真乘下澤車終年日高卧豈問夜何如

再和寄彥文

踵息庵中老看書不蠹書青燈對編簡秋氣入郊墟

農圃從爭席笙歌載後車風流傾一座誰復似相如

某啓伏蒙宮使資政左丞以某末疾漸平

寵况新詩仰荷眷私欽誦不足謹依嚴韻

攀和四首少叙盛德仍述鄙懷伏惟采覽

某再拜

如公真似泰山雲敷寸崇朝四海聞出處要同周四

友聲名何減漢三君詞源笑唾三冬學妙旨深明六

藝文要是天孫機杼手莫將雲錦並織紋

典訓文章見白麻經綸才術又王家如何袖手千巖

裏却旁臨溪一徑斜憂國丹心知益壯濟時素業復

誰如何當樂壽亭前路杖屨追游閱歲華

載酒何人過子雲閉關蘭若斷知聞分無杭林資三
徑豈有篇章詠五君親故易成南浦別漁樵時寄北
山文懸知倚市傾城態應笑寒窻刺繡紋

充庭英俊劇蓬麻迂蠢無庸合卧家錦里煙塵終不
到玉川思慮本無斜山東何翅三年別霜鬢潛驚一
半加會見中興平四海要看元凱佐重華

叔問覽北山小集用葉左丞韻辱惠佳篇

推與過情良深愧戢謹次韻奉酬二首

過眼紛紛夢電雲羨君強識與多聞風流千載鑑湖

老博極群書都水君顧我衰懷無復理空餘宿習寄
微文深慙推借逾涯甚偶尔真同禦木紋

衡門相望接桑麻人識城南二士家老罷應難夸競
病詩狂時復賦車斜韋編閱世時時絕班劍看人歲
歲加徒把槧鈔消永日強分竒正與英華

鄭希尹大夫會吳中諸老唯方子通不至

余作詩呈希尹

黑頭新貴擁朱輪交會耆英久不聞博識猶多漢郎

吏敦詩仍有晉將軍

一作惓惓無華漢郎
吏詩書執禮晉將軍

河流曲曲靈光

異芝蓋蕊瑞氣芬

九人坐想城東隱君子無心閑似

嶺頭雲

張敏叔祠部章伯成戶部餘皆貢郎故有郎吏之句張仲謨嘗帥熙何故有將軍之句

避寇還舍一首 戊申

亂定還三徑陰陰夏木初驚弦無固志巢幕且安居
宴坐心如地幽尋步當車經丘仍窈窕遶屋正扶踈
搏黍空懷友提壺或起予老來無住着聊復愛吾廬
得趙叔問衢婺道中書作寄 己酉

田中有秫醉淵明石上無禾養伯齡聳澗蒼根終鬱
鬱拂雲歸翼共會冥冥避喧入境心隨遠入夢家山眼
共青歲晚定知成二老深慙招隱苦丁寧

和荅江彥文送行長句

辛亥
二首

醉裏求名苦不情翛然誰信萬緣輕却觀塵境端如
夢更憇幽栖得此生游客乍歸寒雀噪山人還去曉
猿驚會當蠟屐同幽討無限青山照眼明
贈行新句比陽春朝奏當年竦措紳素業異時應有
待玄談高處亦無倫平生骯髒皆華首閱世崎嶇信
損神只恐鶴書還赴隴未容公作獨醒人

會稽旅舍言懷

北山之北寄柴扉茅屋參差倚翠微老罷那知還作
客春來無奈苦思歸淹留恐復荒三徑潦倒寧堪扈
六飛乘鴈雙鳧成底事不應容易裂荷衣

次韻江子我見寄長句

余時初忝
祕書少監

泥行正作龜藏穴霧隱初微豹一斑豈有高標如冠
玉况無談舌解連環一登文石趨宣室三竊蟠桃向
道山早晚共尋鷄黍約林泉猶得半生閑

苦雨

積潦徹厚地油雲成漏天乘舟迷晚市懸金鬱晨煙
卉服幾三沐遽蘆亦九遷何由開白日直恐墊黃泉
天道終持滿皇心劇抃然多應洗兵馬且復奠山川
浩浩收溟漲穰穰浹帝廛爨調知弩力延頸待豐年

里諺夏雨甲子乘舟入市今年三雨甲子有乘舟之句

比閱藏經偶成短偈仍寄同志者

君看故教定何緣豈為多聞與福田念念會融歸自
已言言當處便忘筌無錢空數他人寶遮眼那令咒
革穿鳥度虛空風過穴不妨開卷亦安禪

華嚴經云譬如貧窮人日

夜數他寶自無半分錢懈怠者亦然

丙辰八月六日作

負病今日四周年藥裏關心雪滿顛坐失分陰嗟倏
忽行扶跬步苦躄躄支離徒費三鍾粟潦倒仍依二
頃田身在山林名絳闕無功飽食愧前賢

戲呈叔問

野寺蕭條獨掩扉了無才術赴時危未成鴻鵠舉千
里且比鷦鷯足一枝短髮望秋如葉落壯懷因病與
年衰何時負郭通三徑鳩杖相將醉習池

彦章屢顧郊居作詩叙謝

翫麟衰頽歲月侵冰墟誰復顧山林閭閻揖讓潛夫
老車騎雍容重客臨表裏絲綸曾濫吹推揚已俚乂
知音時來解帶揮談麈正始微言得重尋

余在掖垣彦章在翰
林故有表裏絲綸句

鬱鬱澗底松

戲作
省題

鬱鬱千山麓常嗟澗底松老應從禹貢清不受秦封
偃蹇龍蛇蟄摧藏冰雪容地偏難聳壑根固獨凌冬

天近知材大辰來有棟隆山苗應見笑穴蟻莫相攻
與叔問預約繼九老之會

七老當年四美并韓温千載接儀刑世間天爵兼人
爵雲外台星聚德星白髮蒸花看更好碧山環座眼
偏青相期勉繼耆英會留與衢城作畫屏

日日 辛巳

日日長川去行行萬化新回思幾年事已似隔生人
章甫寧資越連城漫入秦應知衣內寶肯渾隙中塵

山近

山近雲多態身閑夢亦幽紙窗先得曉布被最知秋

海眼來陰冷雲根逗暗流結茅容我卜投老爲君留

看鏡辛巳

看鏡恍如夢今余猶昔余身經幾墮甌迹寄一遠廬
仙客有遐怨昔人以鶴爲仙客鴨爲閑客孔兄無近書塵纓與蕙帳兩
事欲何居

丁巳九日携酒要叔問登通道門樓而江
彦文寄玉友適至因用己未歲吳下九日

詩韻作

涼秋風物正清華極目高樓不見花老境固知無樂
事醉鄉聊欲寄生涯銀鈎遠寄清桐滑玉液親題赤

印斜笑引壺觴成一醉歌筵遙想鬢堆鷗聞彦文是日有盛集

戊午歲九日復與叔問登城樓再用前韻作

兀坐空哦服九華衰頽深覺負黃花但令無事長相
見敢歎百年生有涯雉堞曉登千嶂抱穀波秋淨一

溪斜歸來更展新詩卷醉墨淋漓似老鷗盧仝有却來案上翻墨汁

塗抹詩書如老鷗之句

靈山觀

入夢無黃石收身賴赤松濯冠臨皖水執簡叩瀟峯
司命開琳闕明光下玉龍高靈心拱衛江海勢朝宗
清夜垂星斗空山苔鼓鍾雲車來絳節風馬上丹封

樓觀參差見巖崖轉仄容山川瞻勝異蘋藻薦巖恭
凡骨應難授幽人豈易逢他年華山藕安用葛陂筇

設醮宿觀中謁崔道士值明日出山遇諸道崔走避茅舍余下馬亟往見之與語不相酬荅項之衆中目余袖間出藕一節遺余且云勿覩縷因逸去

題靈山息軒

擾擾塵勞客誰能一念休向炎比日渴鹿犯稼劇奔牛
舟壑雖無住江河竟不流超然隨萬境轉處實能幽

舟行過吳江有感

陳迹端如幻羈懷祇自驚十年窮不死四海寄餘生
蒲柳成衰質枌榆憶舊耕重吟五湖句慷慨動幽情
棲棘空迴首飛鳧竟折腰祇令隨泛宅敢復歎沉僚

行路終難拗迷魂不可招山川良是昔恍似鶴歸遼

茸蝸廬吳下用葉翰林見寄詩韻作

四海無廬置此翁故營松竹儘囊空明知計出柏馬
下正擬身全木鴈中東郭易成生草舍南村先怯卷
茅風向來豪氣今如此敢與元龍較長雄

結廬皆竹枒松柱故有松竹之句

張志和結廬東郭茨以生草余

和白樂天二首寫懷仍效其體

莫把著龜更問天向來心事已蕭然塵中愴怳常如
失夢裏呻吟半不眠三徑松筠終問舍五湖煙水不
須錢艾耆相去能多少早擬懸車十五年

中臺退食每逡巡不向重華即淨因豈但語言都少
味亦知才術不如人五雲華闕通閨籍萬頃煙波擲
釣綸鳧鴈去來何足道從容居士宰官身

和趙子雍游石園

長嘯西風一散襟重陰踈影靜相臨水通笠澤秋容
淨竹種玄池野思深石磴掃雲留晚步松蹊隨鶴盡
幽尋舊游回首成春夢太息憑誰寫寸心

謁蔡開府延客周歷堂宇覽觀山林巖洞
之勝頓失袪暑退作律詩一首

蒼虬銜雨轉晴巒噴霧跳珠玉秋瓦寒掩冉風林聽竿

籟蕭森煙籜種琅玕期僊磴屬三休逕幕翠庭臨八
節灘赫赫雲峯張火織陰陰冰洞却霜紈山藏神府
新瓊簡壁挂磻谿舊釣竿怪底蕭條增秀發六龍曾
此駐和鑿

和王給事易簡殿試舉人五首

切雲冠弁拱長生匝地英髦集紫清共喜草茅承帝
問欲傾塵霧贊皇明飄飄六翮鳴臯意浩浩三眠食
葉聲正學儻言應不乏松筠寧爲四時更

右試進士

十上寧嗟老此生長年終得似河清良金熟練精英

在古劔磨光星斗明伏櫜向來猶壯志據鞍它日想
騰聲當時誰出菑川右充選何勞固請更

右試特奏名

射策兼收燕頷生不須文檄似常清
驚弦戎虜從容下聚米山川指顧明
豈但執戈堪武衛還應舞羽繼仁聲
汾陽千古知無匹怪底麾旌不浪更

郭子儀舉異等魔幟不更

事見李光弼傳

右試武士

金闈人靜月華生玉宇風微曉露清
深拱北辰三素遠靜看東壁幾星明
媿嫫豈易欺軒鑑韶濩那容奏

鄭聲聞說壺天春日永恍疑鼉戴欲番更

右考校

萬里煙霄羽翼生肉飛安用漱華清
緋頭黃尾何勞記紫籍青書故自明
香撲賜袍迷草色風傳宮漏出

花聲騏驕一一充閑廐千里那聞駕屢更

九章云勒騏驕而更駕考造父為我操之

右唱名

和何文鎮禮部種竹一首

筠節寧當混草萊寸根中有拂雲材
清游未接諸賢遠幽徑終因二仲開
歲晚蒼陰元自茂實成丹鳳幾時來
何郎冰雪森相對默轉談鋒萬壑雷

某皇恐上啓伏承

太師均佚之暇修真養浩日與造物者游

謹成拙句上塵鈞覽

碧海崑崙接絳臺故應春至自花開絲毫不立元非
靜梨棗潛生豈用栽種種初無心外法綿綿時向定
中回却來重展調元手會見華胥遍九垓

北山小集卷第十



北山小集卷第十一

信安程俱



絕句

太湖泐檄西原道即事三首

司空山頭朝出雲西源渡口十里陰煙中鷄唱未及
午白雨作泥泥已深

上崖下谷鳥道中前屨後巾魚貫從西山路暗光已
夕東山山頭餘日紅

道旁甕瓦盎如汝陽石間電雹如呂梁不知身世在何
許舉頭四山鬱鬱蒼蒼

登富陽觀去山亭 三首

游雲凝空日無華
煙江冥迷如眼花
觀山直南是秦
望不見高青天
雨沙

東吳山川少雄遠
此中形勢如江南
當年伯符亦浪
出三雄相視徒耽耽

橋公宅中木參天
孫郎山前春燒去煙
大橋不向五
湖去建康宮深空
歲年

壬子春暮罷職西省以宮觀東歸道由富陽默

記舊詩俯仰二十八年矣有足感者用前韻作因簡叔問并諸故人三首

春風吹衣雙鬢華
山中小桃應著花
回思二十九年

事世故困人如筭沙

故園在眼日漸近
北山之北南山南
從來不飲聲聞
酒况學詩翁老更耽

擊水三千尺五天
故人拭目上凌煙
北山還我扶犁
手准擬今年大有年

題蔣崇德彛所藏明皇夜游圖 二首

燃膏飛控逐流光
露溢金盤樂未央
擬跨八龍窮轍
迹誰令一馬向銅梁

崑函伊洛好家居
四十二年似覆盂
盡道蛾眉供一
笑安知傾國有胡雛

即事

照空初涌玉芙蓉驚起霜林尾畢逋託宿一枝翻自
失倦飛三匝正相呼

山中次葉翰林韻 五首

四山松桂擁高寒臘盡陰崖雪未乾發石開林窮鳥
道披榛尋壑見鯢相

繞舍蕭森碧玉椽西丘桑苧遠相連東山一爲蒼生
起付與幽人枕石眠

步尋芳草坐班荆照眼林泉動客情安得長年專一
壑北窻高卧更何營

李郭一舟知謾與羊求三徑可無人它年午橋窮勝
事應許幅巾來卜鄰

雨餘雲氣渺三江松月徘徊夜窻坐對縣河瀉千
古故知難並隴頭龍

七夕 六首

阿母雲車下建章茂陵秋草竟荒涼漢庭卿相如麻
葦只數窺窻陞戟郎

緱氏山頭白鶴飛山川良是昔人非翛然脫屣人間
世不獨遼東丁令威

胥門老蔡定凡仙會有神人與作緣自笑塵容滯窮

骨不如鷄犬上青天

腹中書籍雖無幾可奈多知作病何正欲掃除無復
理聊將臯犢挂庭柯

織女機邊天漢流盈盈脉脉望癡牛未應乞巧能如
願咫尺星橋不自由

乘槎吾欲問天孫榮悴寧當巧拙論富貴可求難自
強五窮那肯置迷蒐

江仲嘉行邑將歸見寄絕句次韻八首

骯髒江公故不群八關三窟斷知聞喜談狗馬從無
鬼獨抱冰霜似此君

常嫌小知漫間間曠度蕭然只愛閑不借黃梁留客
醉嚴關三鼓款銅鑲

若下餘杯一望間不辭山上復加山孟嘉固是盛德
士犀首何能終日閑

勸農行稼亦看山牛驥何妨共一閑應笑玄亭老頗
僻背崖無地結三間

漾漾扁舟拂水飛飄飄蘋末細吹衣傳呼匝地來連

壁東郭人知典午歸

仲嘉行縣歸司錄趙叔問送
之南門聯鑣還府率以為常

詩城端欲據天山酒戶猶能敵飲仙幽事相關公事
了如屏千嶂翠連綿

聞說人間有閻風飛霞無路欲誰從只今華髮驚衰
態却羨蒼松獨奈冬

君知曹子幻竒功法界由來一性風等是少年誇狡

猶杖端聊挂蕊珠宮

仲嘉詩中用神仙傳
曹博士逆風舉帆事

葉翰林令畫僧作偃松於石林堂壁有詩

余次韻 四首

試驅毛穎沐方諸盤礴經營滲澹初莫作世間虛妄

見筆端三昧入無餘

當年溜雨三千尺回首丘山力萬牛故作輪囷歌絕

壁苦心蒼節俯清流

人間境物無非畫筆下丹青却似詩流出胸中無盡

藏翰林詞筆是良師

眼中突兀藍田館前日空山穢不治聊遣上人供幻

事戲將方丈納仇池

寄謝葉翰林見招 二首

風流刺史從英游況復西湖齒苔秋授簡豈堪陪兔

苑舉鞭聊欲醉荊州

白雪詞章勝遠游胸中清鑑有陽秋玉堂正要如椽

筆肯使經年借一州

題許徽猷韓幹二馬

並轡長途騁二龍紫駟飛度玉花驄何年照影瑤池
暮露鬢風鬢慘澹中

觀大洪溥公送覺上人頌演爲四首

異類潛行未兆前箇中誰辨正中偏沉沉海底三更
月杳杳長空萬里天

昂藏頭角聳磨天玉馬嘶風曲調全却向大洪山頂
上一聲驚散野狐禪

廻途莫守寒巖草巖前枯木春風到玉顏年少滿頭
霜花落花開不知老

耕破威音那畔田向來荒草不知年鐵牛閑卧無人

喫回首芄芄綠滿川

和潛老秋日山中 三首

夜漏初添數刻長毛塵何足較牛羊道人一念三祇

劫春草秋花自在香

佛本行集經云七羊毛頭塵成一牛毛頭塵

籀龍變化九天去草木如空異北群竹林之游寧復

得邈若山河懷五君

五君詠蓋竹林諸賢也

琅玕摧空一葉下塵鑑出柙南山高卧看微雲澹河
漢佳句不復推亭臯

三峯草堂 二首

庭前雙梧一畝陰禪房蕭森花木深清霜脫葉空山

響言夢與見寒窓松月林

雨洗千山翠欲浮稻畦松澗已爭流朝來風急凝雲
盡歷歷鍾聲過五州

觀元章帖有寄王賢文絕句戲和

好奇不減猗猗叟放論猶嫌石戶農怪底西山增爽
氣佳城蕭瑟悶滕公

避寇儀真六絕句

二紀重來一葦杭脫身兵火走風霜安知老境今如
此滿眼旌旗兩鬢蒼

北固山頭豎白旗西津渡口僕姑飛將軍笑引三千

騎洗馬鵝翎問道歸

是日聞浙西總管提兵自瓜州
取道儀真度長蘆便道趨杭

江漢長哦向渺漭白沙朱雀正相望東巡百萬臨瓜
步拭目中興望我皇

拜表時時上閣開九重葱鬱信佳哉天旋地轉會有
日填咽都門龍御回

瑤臺侍臣不可作嚴谷道人今也亡杖藜三徑非無

約一笑凌雲有底忙

往與王八文彥周經由儀真歸浙至
鎮江遇友人江仲嘉今二十四年矣

茅茨低小對青山淮擬餘年向此閑南望青山是黃
鶴欲憑黃鶴寄書還

泊舟儀真江上連日風雨作六言遣悶

四首

洶洶風號萬竅冥冥雨暗長江午夢歸尋三徑南山
恰對書窓

常寂光徧一切勝義諦即世間正自縱橫五位不妨

透脫三關

蝸廬有佛室曰常
寂光小齋曰勝義

韋杜去天尺五鯤鵬擊水三千作意公能活國餘生
我得安禪

上流下流兵渡江南江北人歸寒盡春生梁苑天旋

日轉皇畿

題太守錢侍郎所藏薛少保獨鶴圖和韻

三首

紫清之驥下閭闔昂然野態猶高騫矯如喬松欲仙

去袂從霄段外雙眉軒

丹恰玄襟雪色衫羽人冠墜不須簪夜來白露聞清

警却使憂懷百不堪

通泉寫真不復見劫火變滅隨毗嵐豈惟畫筆世莫

比正自草書無第三

題錢守宋漢傑清夢圖

錢守用余所收隆師小
首軸六言韻作見要題此

展盡衡廬清影卷將震澤俱還自有毫端子剎誰論

塊視三山

登泰山小天下斷妙喜出世間萬壑千巖掌握江月

松風往還

戲題畫卷

五載京塵白鬢鬚丹青遐想寄衡巫如今掃迹長林
下却對真山看畫圖
曾中雲夢本無窮合是人間老畫工常恨無因繼三
絕倩人拈筆寫曾中

荅和江子我 四首

長江衮衮葉蕭蕭心與虛空自寂寥過眼文書風度
穴迎秋衾枕帶忘腰
柳標橫擔入亂山恍如黃鶴倦飛還不妨步屨時來

往山北城南一望間

和江子我

黃河入海汴東傾消息沉沉祇涕零賴有真人翔白
水正湏元帥得咸寧

時聞宗元帥物
故方謀帥汴京

戲和

欲知黃鶴山中客便是芙蓉室裏僧不比妙高窮老
圃堆厖懵懂百無能

庭菊爛開招子我共賞而空無酒飲聞瓜
洲酒美遣酤數升殆如灰汁戲作三絕句
因以酬九月四日戲贈之作

慳囊不瘦空四壁只有黃花如散金急遣藍輿喚居

士飲溪飡菊對幽吟

楚詞夕飡秋菊之落英孟郊詩云日暮飲溪三兩盃

蒲萄餘瀝不到我買酒得將漿翻自嗟安得長江化為

酒亦分春色到貧家

酒有洞庭春色

疥癢終非腹心疾身如空聚任爬搔惡酒未應勝茗

飲消憂聊以永今朝

時于我方苦疥癢不飲

次韻和江子我道中絕句七首

丁未

初入鴈蕩山

雲關深掩裂荷衣却着青衫扈六飛鴈蕩峯前瞻使

節一星還旁紫垣歸

兵部領駕庫二部故有扈六飛之句

名山無復見金堂盡日蒼巒對夕陽還向江城動悲

思背人驚鴈兩三行

山南曰朝陽山北曰少陽

羅漢洞

有經一藏

人間結習盡無餘肯向諸天五淨居寶藏至今留洞

穴應真時有讀殘書

雲巖寺

鋤姦未辨煩温造督戰聊應問石雄行遍江南好山

水不妨仍在嘯吟中

新城道中

許敬宗新城人

遺臭千秋信不磨當年意氣奈君何長沙老獠雖流

落身後聲名得自多

藍輿度水復穿松三紀回思一夢中壯齒佳時那復

得蕭蕭華髮對秋風

元祐庚午歲嘗至新城

楊梅

吳兒真是休猴冠欲比楊梅荔子丹不用紅塵占使
騎畫船飛楫向長安

駐蹕揚州以提點刑獄公解為尚書省禮

部在西北隅卷書樓下甲戌年余嘗寓止

焉今寓直其下有感

三入南宮更白頭夜寒持被卷書樓那知趼足半天

下投老浮山省舊遊

戲題郭名御求所寄書尾

老罷歸來寄一塵交親南北散如煙誦君雪暗天涯

句離合升沉二十年

慎求為海州幕官行縣嘗有詩云曉鳥啼啞啞游子初去家去家向何許雪暗天一涯云

云斷句云舉頭語天公慙慙推日車頗為吾黨所推

題隆師山水短軸二首六言

用蔣仲遠尚書韻

抱甕終年五畝結茅何日三間正擬螢飛自照真成

鳥倦知還

能畫所畫皆幻是心是境無還未暇法師蓮社且從

居士香山

已酉二月二日車駕渡揚子江四日匆遽
離鎮江余與妻孥徒步趼足飢走至呂城
道中口占

白日無光卷地風扶推乃趼足去匆匆安知白首干戈
裏身寄淮南老小中

題叔問燕文貴雪景二首 戊申

雲鼎峯前十九年醉看銀色變山川當時天喜遺身
世知是人間第幾天
一壑回環十二峯茅茨送老白雲封如今塵裏看圖
畫却愧當年那曼容

新作紙屏隆師爲作山水筆墨略到而遠
意有餘戲題此句末句蓋取所謂柴門鳥

雀噪游子千里至也

時守秀州屢乞宮
觀歸山居未遂

急雨初收山吐雲清溪曲曲抱煙村拋書午枕無人
喚歸夢真疑鵲噪門

聞家山方丈蘭畹滋榮喜而作詩

崇蘭燁燁轉光風林下幽芳一信通更斲青冥窮窈
窕竹陰濃處時春叢

會稽喜得家書 辛亥

黃耳東來一破顏直從松竹報平安遙知雲頂峯前

住霜鬢風管六月寒

戲簡陸學士宰

泉石膏肓老更慵豈堪華髮抗塵容
千品萬壑空圖畫遺我壺中第一峯

試端溪古硯偶書二首

白首重來祇厚顏有懷端欲向誰傳
語言相對都無味色在蜚鴻落照邊

人生當復幾兩屐我飲寧須三百杯
破硯猶堪磨老境醉拈椽筆掃霜煤

舟行即事二首

日出千山蘭蕙香清溪一曲轉滄浪
扁舟卧看張雲錦不爲春歸有底忙

歸帆日日駕春風夾岸花迎笑臉紅
更謝幽禽巧言語勸人歸隱翠微中

歸至山居戲集古句

終日思歸此日歸野人休誦北山移
且看欲盡花經眼可忍醒來雨打稀

即事

雲裏瑤琮十九泉茅茨深寄白雲邊
何年斷取仇池境擲過荆吳萬里天

九日夜月色如畫山林清絕念無與共此
賞者聞元長宗正仲長隱居陪端殿樞公
過彥文太常因游招福戲簡彥文三首

明月行空照膽寒翠微高處倚欄看寥寥物外非塵
世萬籟無聲清露漙

人間急景矛頭過林下閑官物外游尋壑經兵穿紫
翠相從一笑萬緣休

野人談古久不掉上客高軒何日過已恐柴門不容
轍旋鋤幽徑翦庭莎

余常愛杜牧之晚花紅艷靜高樹綠陰初

之句還山居適當此時諷味不已有槩於
余心者用爲韻作十絕

向來越溪吟丘壑今在眼不嫌鷓鴣鳴所恨歲晚晚
嘉樹着青子崇蘭吐幽花慙慙衝細雨小徑岸烏紗
老鬢不重綠衰顏時借紅藥窺文武候酒雜聖賢中
青山如佳人亦復美而艷晴嵐秀可飡暮靄碧堪染
清池浸蒼崖草樹臨綠靜應名洗玉淵亦號巖花鏡
莫作朱伯厚寧從龍伯高不妨騎款段聊復着東臯
桑陰繞扶疎墻下亦已樹柴門不須關野老自來去
壺中小堪巖色作峨眉綠爽氣壓西山哀音叩寒玉

風管縈磴道夏木晝陰陰一鳥不鳴處山高流水深
擁褐入三昧超然心地初那知庵外事入境兩如如

偶作三首

薰風習習動林光紫翠陰中草木香山鳥一聲清晝
永白雲深處北窓涼

老向甘泉補侍臣歸來還作卧雲人一重一掩藏煙
塢三沐三熏屏世塵

誰遣生駒玉作鞍春來首宿徧春山自知不入黃麾
仗振鬣長鳴出帝關

書壽昌驛

丁亥

歲暮白日速風高黃葉稀歸心與寒鴈一夜向南飛

宿章戴

百里半九十暮程無盡時長途飽風日顏鬢最應知

用葉翰林韻題趙叔問燕文貴山水

列岫軒窗五柳門灤西林谷渭南村一區正欲尋幽
處指點丹青得細論

壬子七月十六日夜月蝕五首

青天那得蝦蟆窟白地空憂蟻蝨臣坐待煤炁露殘
魄十分寒玉涌秋旻

阿脩羅王手所障盧佉蝨吒心定知一念多生人我

垢能令天眼作昏眵

恠發玻璃塌死灰食餘明鏡掛高臺撒沙星出爭光大不易青蓮火裏開

撐腸拄肚何繇足接掖持頤可自娛底事緣天得到磔未妨璧月照空虚

爛銀盤從海東出雲樓半開壁斜白時有幽人自往來蘭珮相逢桂香陌

此絕集古句

叔問作崇蘭館圖畫叔問去非與余相從林壑間二公各題二絕句余同賦四首

嬰朔千年契義深祇今林壑共幽尋同心更結崇蘭

伴衰世誰知有斷金

崇蘭深寄北山幽何日追隨得自由下石向來多賣友斷金投老得良儔

道義寧論故與新紛紛誰復繼雷陳圖形預作山林約笑殺青雲得路人

置我正湏巖石裏如公揔合上凌煙要今它日看圖畫不愧平生與昔賢

同叔問逃暑蔡氏山林

清渠脩竹靜相臨喬木參天十畝陰一片藕花香不斷不知門外日流金

即事

春深草木未欣榮
冰谷崢嶸霰雪零
鸞鳳不來黃鵠
舉請看鷺雀鬧荒庭

寄彥文

踵息庵前草又青
庵中禪客養黃庭
起來何物共吟
嘯照眼雲山錦翠屏

得叔問書報柳元禮許寄鶴二首

海上胎禽雪翅翎
故八千里念崑崙
崇蘭館近光音
塢爲子新添放鶴亭

北山林沼久荒涼
正要仙禽借寵光
爲報推乃籠瀆問
道直防妖鳥嚇鸞凰

遣興二首

膏肓二豎能爲害
腸胃三虫不姓彭
安得此身無一
事林間耳目也清明

但見虛空昏又曉
也知身世老還衰
須乘般若超三
界有底窮通比四時

寄潛老求菊栽丁未

東籬終日對南山
三徑荒蕪十畝寬
正欲秋英媚幽
獨可令霜鬢苦高寒

過徐節之宅有感三首丙辰

頤慶堂成未一年窓中紫翠列千山重來前日持杯
地桃李飄零春自闌
市駿不應遺泛駕更刀猶足中桑林故知老驥思千
里未害鷓夷致萬金
遊倦歸來老境侵炎涼薄俗見升沉東阡北陌追遊
處獨對春風淚滿襟

苦雨

一夜溪流漲幾竿還驚四月雨聲寒竈生蛙黽木生
耳誰信勾吳有漏天

書事呈叔問

召節蒲輪走四方眼看浮俗變炎涼升沉變化那知
許但覺琳宮氣味長
五年香火奉殊庭愚惹衰殘得此生不解常山無一
事也紉蘭珮解塵纓

寄彥文仲長

踵息華光信絕塵黃芽白雪鎮長新仙翁抱朴仍宗
從好趁丹臺八伯人

六言屬叔問

崇蘭一日千里長壽三年不飛頽情無人似我精堅
似子誠稀

賀仲長得子

華光深閤養黃芽又見嬰兒繼女牙好賦夢熊詩百
首年年持寄老仙家

曉起

魚鼓鏗鏗驚睡昏披衣兀坐了無言掃除浮念都灰
冷紫府崑崙寄默存

李泰發雪中見過有絕句次日會叔問舍和

酬三首

一觴相屬對江梅玉麈清談得重陪不似稽山尋賀
老越溪空掉酒船回

幽寒長似北枝梅鷓鴣鷺英游不再陪邂逅故人成一
笑衰顏華髮覺春回

二公才業盡臺萊並轡天衢昔屢陪自笑摧頽無復
理寸心衰謝等寒灰

何瞻聖博士究新年八十口號奉賀三首

懸弧嘉祐太平年壽帙行開第九編可但天公錫難
老束梨仙樹植三田

添書行復開藏壁金版方思得釣璜何似懸車無一
事逍遙塵表壽而康

四朝冠蓋三更變萬國兵戈戰百場屈指鄉閭數耆

舊幾人能似魯靈光

白樂天言時俗謂七十以上為開第八帙故是詩有行開第八帙之句伏生年九十漢文

帝使龜錯往授尚書四朝謂元豐元祐崇寧靖康

偶觀樂天酬楊八絕句有既於心者因追

和贈叔問二首

君以曠懷宜靜境我因蹇步稱閑官閉門足病非高

士勞作雲心鶴眼看

樂天

老壯榮衰才命別如何同作侍祠官幾春桃李開還

落贏得閑人冷地看

余和仍効樂天之體

藍輿行清輝門外即事

映日梅花雪不如清溪一曲抱城隅何時五畝開三

徑負郭臨溪寄一區

新正未得與彥文相見聊寄二絕句為壽

燕處超然老復丁等閑高樹脫塵纓知君已悟長生

理不作容成作廣成

曾中梨棗束光陸離神泉不竭生華池期頤豈足為公

道千二百年形不衰

即事有感再用前韻二首

邪正誰分寇與丁眼看奴隸擁繁纓至今四海生瘡

痍辛苦仍康起一成

回首中原歎黍離山河無復舊城池安知七寶輪王

境頓作天人現五衰

彥文見和新正為壽絕句推借過厚再和

呈二首

不隨時態冷如丁只有肥牛與濯纓正自幽寒似長
吉愧無詞賦敵蘭成

躄躄索敵病支離安得神方飲上池已把屠魁觀愛
欲更將流電比榮衰

叔問見和寄彥文絕句過蒙推借謹次韻

奉酬二首

正是群疑判稚丁鳴鵲時駭受胡纓青藜燭照三冬

足黃綃詞先七步成

叔問時習射方勤

新雛初引轉黃鸝松徑桃蹊到習池坐閱四時如鏡

像此中無利亦無衰

佛經有利衰苦樂毀譽稱譏八法不能動則所謂八風吹不動

寂照軒即事二首

疊嶂連環翠欲浮雨餘殘照晚雲收樓臺城闕真圖
畫坐對南塘事事幽

面面軒窗草木香祇園深處寄禪房山林倒影方池
靜魚鳥志機白晝長

小雨默坐北軒諸山如失須臾雨止紫翠
突兀眼中似尉老人岑寂也二首

煙雨濛濛山有無小軒孤坐對城隅斯須窅兀千峯
秀似尉衰頽老病夫

茅茨聊復寄寬閑縱目林端見遠山大是時人不爭
處柴門雖設要常關

數日江上頗有春色偶成絕句遣興五首

庚辰

抑怯餘寒未展眉嫩黃輕綠漸依依春郊正好閑行
處不及遊蜂自在飛

錯寔江梅春信遲晴重寒藥雪團枝年來頓失尋春
意一任高樓玉笛吹

遠樹參差數點煙目窮天際水黏天背人葉葉風帆

去應有鷗夷萬里船

不奈江頭春色何暖光搖日漲晴波憑欄何處牽幽
興楊柳沙洲一釣蓑

露壓濃煙深遠山垂虹真在畫圖間平湖渺渺思無
限何日浮雲伴我閒

寄朱元益

小園桃杏已欣榮華髮逢春祇自驚聞說江城多暇
日想教予為入新聲

癸未秋金陵懷古三首

壯士狂歌擊唾壺追風老驥望長驅山川形勢端如

此當日寧無一伯符

大舅塵埃直汚人西風便面障衣巾身危肯拜陶寧
遠事定終慙温太真

山丘華屋一沾巾無復風流盛德人百萬秦軍渡淝
水只消長嘯靜胡塵

和翁祕監彦深喜絕句四首

朝來喜氣溢層霄側聽封人共祝堯密雪正應歌九

扈疾雷先已破三苗

時初殄
睦寇

即看新綠歸千畝還見陳紅積九年便覺雨暘如有
意不須花草苦爭妍

九重誠意格天關一夜風回萬壽山銀闕瓊臺迷遠
近直疑群玉接蕭閑

風鈴相語紙窻鳴拭縮饑鷄凍下鷲却憶剡中高興
盡雪消江草暖悲生

秋深向寒數日泥補墻垣入此室處用東

窻即事韻作四首

杜陵廣廈何可見原生貧居良已多賣刀植杖苦不
早會牽孫犢繫交柯

山中高隱不易得今古荒涂盡空九招何異清湖長菱


葑翳眼蒼雲誰復撩

吳人謂
撩湖

西風朝來脫一葉蕭蕭已似湘湖間突成深墨髀生
肉晝尔于茅安得閑

莎鷄知時已入戶庭草多情猶映堦何妨擁褐坐閱
世著書不用如齊諧

北山小集卷第十一



書